

003836

萬屑小
卷蓬
書屑海
屋遺
詩
存集詩





11331712

小蓬海遺詩



翁維著

王雲五主編

叢書集成初編

小蓬海遺詩及其他二種

中華民國二十八年十二月初版

壽嚴

發行人

王

長沙南正路

雲

五

印刷所

商務

印書

館

發行所

商務

各埠

印書

館

(本書校對者徐壽齡)

G一六九〇上

小蓬海遺詩

本館據別下齋叢
書本排印初編各
叢書僅有此本

小蓬海遺詩

清 吳江翁 雒撰

和二典兄讀吳漪蘭女士遺稿原韻已巳

颯颯風簾想峭寒。繡函餘跡忍重看。數行碎玉星星血。十樣蠻牋葉葉肝。小草不禁秋露重。輕塵欲駐美人難。腸迴九曲思無盡。燭淚燒殘未忍彈。空有仙雲護碧苔。雲中不復彩鸞回。風花幻影三生夢。香雪微痕七字才。清淚滴殘蕉閣雨。暗塵飛盡藥鑪灰。芳魂一竟無消息。魚素何由致夜臺。

新正後風雪連朝茅堂枯坐卽事有懷壬申

總覺相思海樣寬。定然兩地月同看。魚書久待溪冰泮。鴨火常烘研墨乾。對雪懷人詩亦冷。嚼梅笑我齒忘酸。此情此味誰能識。想見茅堂一例寒。

冬日重過乍浦謁朱雅山先生辛未

頻年生計向誰謀。但酌龍湫水一甌。滄海望窮千里目。空山唸老一筇秋。藥花瑟瑟多蒼耳。蒜髮盈盈已白頭。莫笑幽棲太冷淡。曾經五馬過林邱。

謂李許齋太守

貧士蘆中幾故交。謂伊馥村徐雪廬兩先生摩挲卷軸慰蕭條。西華冬日衣還葛。杜老秋風屋卷茅。湖海不貪傳姓字。

江鄉且喜溷漁樵。今朝重訪先生宅。依舊松雲護鶴巢。

懷人十首

布衣動天子。書籍流四夷。婆娑萬卷堆。壽比榮啓期。秋墳夕陽落。應唱鮑家詩。鮑廷博
有冠嬾不彈。舉世如翁少。貪遊山水奇。尙覺九州小。題罷懷古詩。蓑笠竟歸老。朱二垞
脫盡鬚與眉。走入牀頭簪。一个苦吟身。妻子任飢凍。偶成草鞋詩。衆口爭傳誦。丁半閑
寧使出無車。不可食無肉。詩書付六丁。秋風破茅屋。誰傳爨後音。一洗箏琶俗。伊村
熱世作冷官。先生乃僅有。士皆公門趨。我亦忘年友。著書精岐黃。活人好身手。計壽喬
熟讀種樹書。及門盛桃李。五十誓成名。肯言我老矣。錯認南宮賢。妻以兄之子。沈木庵
湖上青牛翁。連臺金粟影。佞佛兼修真。癖乃鄰何等。幾時金丹光。飛出青松頂。嚴舫
腰無十萬貫。竟作揚州夢。秋風故國思。再續朱弦弄。傷哉北堂人。新嬾麻衣送。姚古楂
窮谷處長貧。儒衣山鳥怪。笑學郭景純。活計青烏賣。悲歌只自憐。誰向西江拜。黃杲堂
雄談山海經。張華無此學。謀生萬里歸。不改貧而樂。海客久忘機。終朝踞龜殼。徐許閑

三十初度己卯

早拌綠鬢犯緇塵。隨處能容落拓身。芒角填胸爭五嶽。鶯花瞥眼易三春。朋箋直等元纁重。麗句難裁畫錦新。一笑書生尤計拙。居然憂道不憂貧。

深喜高堂六十強。窮愁歲月著書忙。粗營菽水時猶缺。擬補蘭陔意儘長。二米聲華慚里巷。一經家世話蒼茫。趨庭自笑風塵褐。也逐斑斑戲采行。

回首慈親見背時。六齡未解涕漣漣。消殘衣綫彌增痛。望斷門閭孰繫思。展卷羞臨丙舍帖。對牀應寄卯君詩。渭伯子莫辭將母歌重作。一樣春暉報未遲。

竭來風雨載華年。我與羣芳共可憐。懺悔何因皈佛子。江鐵君明經愚懵敢望作神仙。未除結習禁花雨。別有閒情話水天。顧影那容呼負負。韶光又到旅人前。

喜仲子湘表弟入學戊寅

繡虎雕龍孰主張。如君底負少年場。幾回苦海津難覓。此後蓬山路正長。便有人稱花樣好。可知身入藥籠香。於今真作酸寒士。況味從前乞再嘗。

孺子長貧且莫論。驚看老輩幾人存。君尊甫兄弟行四人。存者維令伯春岩先生而已。尋常已溢家庭喜。千萬難酬教養恩。黃卷暗消孤子淚。青衫薄慰九原魂。明春倘遂移居願。要看泥金署華門。君將移家。

題楓江漁火圖同徐丈雪廬作圖爲徐虹亭檢討故物。今歸其族孫山民待詔處。

白髮蕭蕭竊笠寒。半生春夢記叢殘。知交常感遭逢易。兄弟相依出處難。薇省頭銜簪筆冷。松陵烟水釣船寬。如何一闋漁家傲。贏得雞林貴素紈。

乍浦程騰齋參將屬繪理釣圖。時騰齋遷粵東副鎮。爰題六絕。卽以送行。

韜略公然不世才。強弓曾使怒潮回。當年遊釣情難忘。還我英雄本色來。
兩鬢新霜百戰身。海天烽火記親巡。竭來閒卻屠鯨手。改作船頭撒網人。
想見潘輿侍奉深。星髭拋卻便敲鍼。肯教妄動臨淵羨。中有姜詩一點心。
等閒大羽表功勳。愛捉鳬鷗狎水雲。不是尋常貌行路。丹青我愧故將軍。
春風三月去珠江。蠻女鮫人拜赤幢。四海車書今混一。秋波銅柱等漁樵。
騷客登壇上將同。相看車笠別怱怱。倘逢顧況應傳語。念否蘆中一士窮。
謂耕石學使

客夜聞孤雁慨然有作

欹枕藤牀睡不成。忽驚離思逐宵生。鳴哀訴怨難排字。犯雪欺霜易失更。
黑霧鄉關千里隔。綠搖孤館一燈迎。幾回落葉傷懷抱。碎翦西風又此聲。
林塘回首記清遊。怕對當時舊鷺鷗。滿眼江湖難托足。舉頭繒繳輒生愁。
欲投隻羽伊誰遣。僅免飢腸亦自羞。賸得衡陽殘唳在。教人爭不要悲秋。

上巳前二日寄素卿女弟

研奩鈿尺互橫斜。別具樓頭小絳紗。佛面莊嚴皈芍藥。仙巾瀟灑折蓮華。
清琴鼓後寒銀甲。妙墨圖來炫玉叉。又是湔褻時節近。春風珍重七香車。

又題素卿翫月圖

隱隱仙雲捲綠羅。銖衣來受晚涼多。廣寒忽送霓裳曲。閒叩晶簪答素娥。
水中明月月中身。慧業重教認夙因。冰鑑一奩秋四面。本來我是弄珠人。

題蓮湖釣徒小影 壬辰

西向不作長安笑。東還獨理吳淞釣。經綸才大世莫知。回首滄洲從我好。水風搖兀屋如艇。閒鷗對客日延頸。圖史縱橫艇如屋。家具還餘一竿竹。蓮湖百頃磨青鏡。蓮謠唱罷漁謠應。蘆中鼓枻亦家人。那有催租敗詩興。擊唾壺拍銅斗。好風吹人來勸酒。一聲長嘯動滄溟。十里蘆花顛白首。羨君此際真得所。日對青山隨仰俯。哦詩不解妻奴愁。搖筆能使魚龍舞。苦吟十載成瘦腰。尙餘意氣凌雲霄。安得扶桑濯雙足。還來踏浪尋盧敖。

吳淞植木棉。居農田之半。今夏花開特盛。入秋風雨。實落殆盡。爲寫成圖。附詩紀異。
海濱吉貝產年年。多半人家當種田。竟作優曇花一現。可憐著手不成絛。
空思衣被到蒼生。聽斷柴門紡絮聲。縱有香山裘萬丈。可能真蓋洛陽城。
閨中工作且辭勞。無復寒衣費剪刀。此後蕭蕭風雪裏。聽來不但癸庚號。

嘉禾道中喜晤姚大古然及令子杏士喬梓。追陪論交彌篤。回憶洙涇訂盟。十六年矣。爰成律句爲贈。並送甬東之役。

一笑侯門罷曳裾。輕裝何處辦苞苴。蕭疎枳棘迴孤鳳。浩蕩江湖轉困魚。傳定文章名位欠。澆殘壘塊酒。

孟虛輸他桂子丹山早。不廢當年種樹書。

榆柳空教大十圍。丈夫難守故園扉。少陵稷契徒空許。翁子功名料不違。八口穀難同鶴儉。箇人儘有食熊肥。笑他飢死東方朔。拔劍猶聞割肉歸。

客中送客兩人憐。話到將來各惘然。舊雨漸疎吳苑柳。詩人重擺鏡湖船。看山句好成何處。寄我書來是幾年。穩訂前頭珠樹鶴。明春卻向帝城邊。聞明歲將由甬入都。

題姚古槎中年聽雨圖

到此澆愁酒不靈。孤篷搖兀水風并。黃蘆苦竹天涯感。不是芭蕉葉上聲。

咏薺花

暖風過油菜。春意動幽姿。尺土星星遍。村陰淡淡滋。開無遊客賞。香謝肉人知。碎米名尤稱。珍珠樣略差。倦蠶辭舊圃。飛蝶遠疎籬。偶爾成榮落。伊誰替護持。五溪經眼賤。三日上頭宜。吳俗婦女以三月三日指頭戴薺花。則經年無疾。汝何羞態。留賓亦儉資。芳情殊屑屑。野色也綏綏。藜藿由來慣。田園小足怡。珍留坡老話。煮入彥之詩。底事韭花帖。偏傳楊少師。

題河東君手繪撲蝶士女圖爲常熟錢似山作

一團風絮卷春愁。賸粉偏教畫本收。疑是牙籤吹劫火。紙灰飛冷絳雲樓。舞衣歌扇自逶迤。過眼南園長棘枝。一樣淒涼家國恨。丹青今已屬蛾眉。

故宮花草蔽塵沙。紅豆依然豔暮霞。蒙叟原爲蝴蝶去。卻疑春色在鄰家。

十二月十九東坡先生誕辰。同人集馬二槎吟香仙館。設酒爲先生壽。

共登仙館禮仙蹤。幾箇晨星百里中。問訊無煩來北客。瓣香奚止奉南豐。花豬肉大先生笑。藥玉船寬我輩同。醉裏便須攜鐵板。替公高唱大江東。宰相生憎百姓歌。此身去住總由他。四朝憂國遭讒遍。一第同官悵別多。歸計何年投鶴觀。巢痕回首失鸞坡。不知只尺杭州路。應否孤魂蠟屐過。

楊將軍三邊索句圖

不須投筆始封侯。絕塞風雲一卷收。健句屢驚磨盾鼻。生還先喜盼刀頭。琵琶九帳尊前曲。勅勒三軍馬上謳。滿幅吟髭看颯爽。丹青褒鄂避風流。

馬二槎集同人題冒巢民樸巢幽賞圖。圖爲姬人金曉珠所補。曉珠並肖己像附側。得賞字。

雉城烟景匹無兩。豐暇豫日延清賞。翩翩濁世公子豪。酒地花天一偃仰。侍兒不少女相如玉。軸牙籤交執掌。就中最稱金曉珠。日事丹青爲供養。寵冠釵叢影自憐。藝精絹素神俱往。得意聊同貌入圖。傳情寫態生妍想。遂令佳話遍東南。團扇屏風各摹仿。是時滄海驚揚塵。那信區區猶息壤。壓境方張拔扈軍。鋤奸共倚清流黨。自知抱負本瑰奇。想見鬚眉增颯爽。可憐故國冷霓裳。竟使遺民終鶴望。絲竹千家散綺羅。園林幾處圍榛莽。畫裏風流二百年。如何回首悽疇曩。流轉今歸馬季良。買絲勝繡平原象。或者芳魂

戀此圖。珊瑚環佩來其儻。

羅兩峯鍾進士飯鬼圖

老尪老尪食指動。衆鬼啾啾各驚恐。泥犂無禾歲不登。空有饅頭堆土冢。可柰食單擅幽討。妖狐嫌瘦鬼車小。陰天慘淡窮搜羅。活剝生吞謀一飽。朝食三千夜八百。鬼肉將完追鬼魄。圓睛閃爍肚彭亨。泉酒還能容一石。白楊嘯雨青燐火。此時飯罷掀髯坐。木精水怪不敢前。猶恐老尪腹未果。其傍一甕如覆孟。紛紛鬼卒爭來趨。零膏賸髓半狼藉。讒涎未免及汝徒。寄語汝徒須努力。時時捉鬼休偷息。一朝無鬼飢腸鳴。還恐主人將汝食。兩峯山人道子儔。雙眸白日燭九幽。目之所到手卽寫。若輩相顧爭如讐。何怪長安日奔逐。滿路擲揄身局縮。賣鬼頻年亦苦飢。可惜終南捷徑不干祿。

題宋畫院祇候馬麟梅花冊爲馬二槎作

冊係天籟閣項氏舊物。高宮詹士奇得之。後嗣君編修輿。爲其女祥奩贈女壻張司寇照。題於前。祥題於後。時其伉儷同在京邸。題中一思湖上別業。一有病肺。未能相隨。宦成云云。士君子身居廟堂。不忘泌水衡門之樂。昔東坡居士贈畫師有林泉勸我早抽身句。同此意也。然不戀榮祿。丈夫旣難。況女子乎。爰書五絕。以誌墨緣。

一枝女字貌娉婷。鈿尺相隨墨瀋馨。壓倒崔盧好奩贈。添箱奚止十三經。待曉窗前卻扇忙。幾翻粉黛費商量。畫眉縱有張京兆。不抵兒家點額粧。

想見圍屏射雀初。一時冰玉有誰如。不須更索祁公酒。細嚙寒香讀漢書。
故山偕隱願歸耕。底事無心說宦成。已見尙書署紅杏。何須此手佐調羹。
院本當年數馬麟。流傳幾作故家珍。雲烟過眼珠還浦。名迹仍歸姓馬人。

海昌查青華

人漢

明府得勝國名臣淮陽太守許公令典龍靈石一笏。石高一丈有奇。嵌空玲瓏。無

美不具。屬余繪圖。并係以詩。時明府將官中州。卽以贈行。

神龍飛來不肯去。瞥向黃山山下住。

太守於萬歷時不附中。瑞退居海鹽之黃山。

化爲靈石一丈高。鱗甲斑斑五色具。矯然獨

立深山深。風吹萬竅皆龍吟。殊形怪狀詫奇絕。米顛不作誰賞音。淮陽太守人中傑。身無媚骨有高節。身無

媚骨。道有主盟。神宗勅太守語。

懶向權奸璫下趨。歸來抱石守吾拙。草堂笑闢黃山烟。終歲閉門耕石田。自從主人捨石

去。蒼龍一臥三百年。青華明府好古士。再拜荒烟喚龍起。昆明劫火不敢燒。滄海雲根忽移此。此身將爲
蒼生出。一片堅貞拋不得。安得扁舟載石行。引手摩挲三嘆息。寓書促我圖石丈。墨汁淋漓筆蒼莽。願爲
霖雨遍中州。莫向延津輒騰上。

題疎香閣眉子研拓本爲計曦伯

一丸翠墨遠山春。曾伴粧臺蘸筆親。留得珍珠數行字。不因傳壻重貞珉。
丹青餘事也癡情。豈止因風勝阿兄。輸與綠窗親看見。一雙鴿眼最分明。
小謫紅塵十七剛。生天成佛總茫茫。果教片石能通語。可許招魂翦硬黃。

計然石癖讓風流。妙格簪華一例搜。付與縹緗添故事。又煩彩筆記粧樓。

張研溪曉風殘月圖

曉風殘月總堪憐。轉忘傳家春水篇。野鷺家雞渾一例。玉田不畫畫屯田。卯色天光送舵樓。數枝風柳不勝秋。長亭不是湖鄉路。輕易天涯著客舟。

孫九靈索題余秋室學士贈別述庵司寇畫蘭卷

露葉風枝墨瀋香。也如折柳贈河梁。那知廿載同臺省。纔到離筵識彥方。學士題詞有廿載同朝識恨遲句。司寇聯句云。盾迢遞芳風送別船。還山官府即神仙。一叢香草開三徑。畫裏瀟湘似昔年。梁山舟學士贈司寇聯句云。盾

團扇還山官府即神仙。

插架圖書萬卷高。丹黃辛苦廢昏朝。雲烟過眼怱怱甚。屈宋文章亦寂寥。

湘蘭寫罷寫燕蘭。文讌還須丙戌班。學士風流今亦杳。不堪醺酒慟湖山。京師萃慶部伶人王桂官湘雲。密頗有法度。一時同人寶和。以爲韻事。學士復徵梨園子弟之佳者。爲燕蘭小譜詩。以湘雲畫蘭題詞。冠爲譜卷之首。又保和部得發兒周定珠。曾爲學士小史。主人乃丙戌甲科。故同人讌會。皆保和承應。而諸伶亦戲稱爲丙戌班。

黃霽青觀察歸田後訪友王店爲鄉人所窘戲柬二律代其解嘲。己亥

元黃世事孰真訛。馬腫原難辨駱駝。羣盜偶能知李涉。醉人只合罵東坡。溪山未必憎官舫。冠佩終嫌異釣蓑。豈是金風亭長後。久無軒蓋枉烟蘿。

驚心風浪太無因。苻拔麒麟不可分。懷印且非真太守。當關誰省故將軍。拏船總敗山陰興。憶舊空憐日莫雲。畢竟章皐人不識。儘他羣螳鬥紛紛。

晴窗點筆圖爲朱筱漚作

平生足迹半天下。歸來烟景供陶寫。終南少室在豪末。滿堂空翠如欲潑。湘簾棐几小窗明。倪黃董巨把臂行。五山十水日復日。直與往昔爭輸贏。我來清閤探墨妙。雪晴一樣剡溪樵。不許香溫獨自看。畫簷恰被梅花笑。

同人遊定香寺作

塵勞漸覺旅懷寬。一角紅墻夕照殘。鐘磬聲沈香界肅。松杉影落石幢寒。題詩敢望籠紗易。入社應憐戒酒難。一處流連忘卻返。王孫曾此舊安單。寺中一閒軒爲趙一漁同人結社所

留別修川諸子

半載栖栖薄病餘。難謀菽水慰安居。四愁平子閒聊遣。十志盧鴻願未如。避債臺高歸計拙。賃春廡好託身虛。中年以往真無賴。未得關門補讀書。

凍硯和冰掃麝煤。東塗西抹爲誰來。幾曾臥雪修封草。反用宋劉案事劉工畫

一笑衝寒不爲梅。殘歲自傷猶托鉢。

謂武林趙一漁

窮途得過且銜杯。殷兄張丈難分別。尤愧王孫獨愛才。

趙一漁邀同人集飲餞行。以事不果。賦詩辭謝。

多謝何曾判食經。識君已足慰平生。輕拋鱸膾常爲客。怕啖牛心爲近名。蒜髮滿頭非自昨。荆枝分手歲將更。伯氏子廉仲春物故一尊我愧先生饌。遊子難爲獨飽情。

俞少甫岳廣文五十初度。自倡絕詩。索擅畫者作畫爲壽。余寫小幀并戲書四絕句。卽送其之官溧

陽。庚子

五十功名一冷官。垂虹秋色謝漁竿。藥鑪雞犬浮家去。似此丹青亦耐看。

賣畫傭書計本疎。欣聞江國奉官符。來朝倘使逢丁祭。能否轟雷請客無。蘇州郡博蒲快亭先生以嘉慶丁卯涖任。嘗揭柱聯云。歸雪呼

僮莫認今朝點卯轟雷請客須知昨日逢丁

不要南飛介壽筵。烟雲幅幅當籌添。廚中妙畫通靈去。轉向庸工乞素縑。廣文有倪黃合作山水爲人久假不歸

頭顱如許客何能。卅載江湖賸敵簪。我亦知非同此日。墨君何處博青藤。郁穎上五十生朝徐文長以畫竹爲壽

呂廣六十八羅漢圖歌并序

邑城南門外無量寺。俗呼三天門康熙己酉癸丑間。邑人呂廣六律寫羅漢十八軸以充供養。每當歲

首。縣諸殿壁觀者神之。呼爲活羅漢。百數年來沿爲故事。余於道光庚子正月五日買舟往觀。一

宿而返。謹賦長歌。用誌歲月。

羅漢以德不以貌。大哉王言日月照。張元世態貫休怪。廣六得之適中道。三天門中十八軀。垂眉努目各神妙。百七十年故紙牢。舍利光騰金碧耀。歲首年年張殿隅。傾城士女如雲趨。花光墨暈旃檀噴。筆端妙

悟皆真如。雪竇苔深澗谷紆。細桃花瘦絲柳疎。或制羣魔或入定。動者諷經靜者聽。進瓜野客自修容。獻果山猿獨恭敬。一老補衲忘接應。勾線手搓足指勁。虬髯鬚鬚齒如貝。大腹皤皤張布帛。手持如意憑枯槎。落葉紛披真自在。羽扇搖搖風滿握。支頤茶夢午初覺。低頭童子戲浮龜。仰首龐眉顧飛鶴。蠻奴卉服自華綯。天女紅衣舞釵燕。粲立左右若皈依。佛門那不從方便。就中降龍伏虎尤具大神力。外雖猙獰內姑息。腥風逆面凜香孩。竊看蒼黃還怖匿。無憂林極樂國。不知雪山苦行幾生脩。輾轉法輪能到得。生天成佛談何易。丹青聊示西來意。廣六廣六妙畫自閱千眼明。不如老生頂禮心獨誠。扁舟棲棲留一宿。知交不詣催歸程。吁嗟乎。衆口爭呼活羅漢。可惜傳名止鄉縣。

王石谷同族有王榮者。善贗石谷山水。石谷深恨之。余里程某。數十年來。託名爲拙畫。花草充塞四方。鬻賈者絡繹購求。所潤特徵。其餘利半入他人囊橐。而程貧如故。余頗傷之。又何暇爲石谷之恨耶。戲書三絕。

魚目爲珠信有無。蛇牀未免亂藤蕪。眼前色相何須辨。百事原來假畫圖。

侏儒不飽況東方。

程某短小

依樣胡盧自在忙。可惜蓬門勞十指。爲他人作嫁衣裳。

塗紅抹綠總嫣然。時眼看來孰後先。縱遇商邱真識在。箇儂還愧惓南田。

商邱尙書宋公。謂惓南田畫暗中摸索。猶能辨之。

己亥冬。客長安鎮。同人過定香寺。題詩于壁。石門崇福寺僧竺仙。西印見余詩。次韻和之。實未相識也。因寄一律。爲後日識面之導。